

ՎԵՏԱՓԱՌ ՆԱՅՐԱՊԵՏԸ «Ս. ՆԵՐՍԵՍ ՇՆՈՐՀԱԼԻ» ՇՔԱՆՇԱՆ ՆԱԼՁՆԵՑ ԱՆԳԼԻԿԱՆ ԵԿԵՂԵՑՈՒ ՆԵՐԿԱՅԱՑՈՒՑՉԻՆ

Օգոստոսի 14-ին, բարձր նախագահությամբ Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի, Մայր Աթոռ Ս. Էջմիածնում Կրեդիտի ունեցավ Հայ Առաքելական Եկեղեցում Անգլիկան Եկեղեցու Քենթրբերիի Արքեպիսկոպոսության ներկայացուցիչ Ն. Ֆիլիպ Սթորր Վենթերի՝ Հայաստանից մեկնման հրաժեշտի երեկոն: Հանդիսությունը ներկա էին Մայր Աթոռի միաբաններն ու աշխատակազմի ներկայացուցիչները:

Բացման խոսքով հանդես եկավ Մայր Աթոռի Միջեկեղեցական հարաբերությունների բաժնի պարասխանապու Գերաշնորհ Տ. Եզնիկ եպս. Պեքրոսյանը՝ անդրադառնալով Հայ և Անգլիկան Եկեղեցիների հարաբերություններին ու կապերին և դրանց ամրապնդմանը նպաստած Ն. Ֆիլիպի վեցամյա արդյունավոր գործունեությանը: Սրբազան Հայրն իր խոսքում նշեց, որ անցնող վեց տարիների ընթացքում Ն. Ֆիլիպը կազմակերպել է երջանկահիշատակ Գարեգին Ա-ի պաշտոնական այցելությունը Անգլիա, Քենթրբերիի Արքեպիսկոպոսի այցելությունը Հայաստան՝ 1700-ամյակի առիթով, երկու երկրների բանակներում ծառայող հոգևորականների փոխադարձ այցելություններն ու հանդիպումները և Մայր Աթոռի երիտասարդ միաբանների ուսումնական խմբի այս ամսվա ժամանակահատվածում:

Ի գնահատություն Ն. Ֆիլիպի ծառայությունների, Հայրապետական սրբապառ Կոնդակով նրան շնորհվեց Հայ Առաքելական Եկեղեցու «Ս. Ներսես Շնորհալի» շքանշան (տե՛ս էջ 27): Հավարտ հանդիսության Վեհափառ Հայրապետն իր օրհնության խոսքը հղեց ներկաներին՝ բարձր գնահատելով Ն. Ֆիլիպի վեցամյա գործունեությունը Հայաստանում և նրա մատուցած ծառայությունները երկու Եկեղեցիների եղբայրական հարաբերությունների ամրապնդման գործում:

Հանդիսությանը երաժշտական համարների կատարմամբ հանդես եկավ Սևանի Վազգենյան Հոգևոր Դպրանոցի «Լուսավորիչ» երգչախումբը:

ՄԱՅՐ ԱԹՈՌ Ս. ԷԶՄԻԱԾՆԻ
ՏԵՂԵԿԱՑՎԱԿԱՆ ՆԱՄԱԿԱՐԳ